

সেরা ফ্রি অ্যাড ব্লকার সফটওয়্যার

লুৎফুল্লাহ রহমান

অ্যাড ব্লকার হলো এক ধরনের সফটওয়্যার, যা ডিজাইন করা হয়েছে ওয়েবপেজে অ্যাডভার্টাইজমেন্ট আবির্ভূত হওয়াকে প্রতিরোধ করার জন্য। মূলত অ্যাডব্লক হলো গুগল ক্রোম, অ্যাপল সাফারি (ডেস্কটপ ও মোবাইল), ফায়ারফক্স, অপেরা ও মাইক্রোসফট এজ, ওয়েব ব্রাউজারের জন্য একটি কনটেন্ট ফিল্টারিং এবং অ্যাড ব্লকিং এক্সটেনশন। অ্যাডব্লক ব্যবহারকারীদের ওইসব পেজ উপাদানকে ডিসপ্লে করা থেকে প্রতিরোধ করতে সুযোগ দেয় যেমন- অ্যাডভার্টাইজমেন্ট। এটি ডাউনলোড ও ব্যবহার করার জন্য ফ্রি এবং এটি ডেভেলপারদের জন্য সম্পৃক্ত করে অপশনাল ডোনেশন।

ব্যবহারকারীদের উদ্দেশ্যে নিচে সেরা কিছু ফ্রি অ্যাড ব্লকার সফটওয়্যার নিয়ে আলোচনা করা হলো। এই অ্যাড ব্লকার সফটওয়্যার আপনাকে খুব সহজেই অ্যাড ব্লক করার সুযোগ দেবে। এখানে উল্লিখিত অ্যাড ব্লকার সফটওয়্যারগুলো সম্পূর্ণ ফ্রি ও উইন্ডোজ পিসিতে ডাউনলোড করা যাবে। এসব অ্যাড ব্লকার সফটওয়্যার অফার করে বিভিন্ন ধরনের ফিচার, যেমন- ওয়েবসাইট ব্রাউজ করার সময় অ্যাড ব্লক করে, ইন্টারনেট এক্সপ্লোরার, মজিলা ফায়ারফক্স, গুগল ক্রোম, অপেরা, ম্যাক্সথন, স্লিম ব্রাউজারসহ বিভিন্ন ধরনের ওয়েব ব্রাউজার। আরও সাপোর্ট করে পিটুপি (P2P) ও ইনস্ট্যান্ট ম্যাসেঞ্জারের জন্য অ্যাড ব্লক করা, অ্যাড ব্লক করার মাধ্যমে ওয়েব ব্রাউজিং স্পিড বাড়ানো, অ্যাড বাদ দেয়াসহ অনেক কিছু। সুতরাং আপনার জন্য সেরা অ্যাড ব্লকার সফটওয়্যার নির্বাচন করার জন্য নিচে বর্ণিত ফ্রি অ্যাড ব্লকার সফটওয়্যারগুলো পরখ করে দেখতে পারেন।

অ্যাডফেন্ডার

আপনি কি অনলাইন বিজ্ঞাপনে বিরক্ত বা কিংকর্তব্যবিমূঢ় হয়ে পড়েছেন? অনলাইন প্রাইভেসির ব্যাপারে চিন্তিত? নিরাপদ ও ক্লাটার ফ্রি ব্রাউজিং এক্সপেরিয়েন্স পেতে চান? তাহলে ব্যবহার করতে পারেন অ্যাডফেন্ডার (AdFender) নামে একটি ফ্রি অ্যাড ব্লকিং সফটওয়্যার।

অ্যাডফেন্ডার একটি অ্যাডভ্যান্সড সফটওয়্যার, যা ফিল্টার করতে পারে ওয়েব পেজের বিভিন্ন ধরনের কনটেন্ট এবং কিছু তথ্য প্রতিহত করতে পারে, যাতে ওয়েব সার্ভারের বাইরে যেতে না পারে। ফিল্টার করা তথ্য সেভ করতে পারে মূল্যবান সময় এবং ব্যান্ডউইডথ ও অ্যানহ্যান্স করতে পারে অনলাইন প্রাইভেসি।

এটি অনলাইন অ্যাডভার্টাইজমেন্ট ব্লক করতে পারে। এটি সাপোর্ট করে ওয়েব

ব্রাউজারের জন্য বিজ্ঞাপন, পিটুপি ও ইনস্ট্যান্ট ম্যাসেঞ্জার ব্লক করা। অ্যাডফেন্ডার স্ট্যান্ডঅ্যালোন অ্যাপ্লিকেশন হিসেবে ব্যাকগ্রাউন্ডে কাজ করে। যখনই আপনি অ্যাড সংবলিত ওয়েবসাইট ব্রাউজ করবেন, তখন এটি সব অ্যাড ব্লক করবে। এটি ইন্টারনেট এক্সপ্লোরার, ফায়ারফক্স, ক্রোম, অপেরা, ম্যাক্সথন, স্লিম ব্রাউজার ইত্যাদিসহ সাপোর্ট করে বিভিন্ন ধরনের ওয়েব ব্রাউজারে।



অ্যাডফেন্ডার ইন্টারফেস

গুগল অ্যাড ব্লকার

গুগল অ্যাড ব্লকার (Google Ad Blocker) হলো একটি ফ্রি ও সহজ ব্যবহারযোগ্য অ্যাড ব্লকিং সফটওয়্যার। এটি এক ক্লিকে সব গুগল অ্যাড ব্লক করতে পারে। গুগল অ্যাড ব্লকার নামের সফটওয়্যারটি ইন্টারনেট এক্সপ্লোরার, ফায়ারফক্স, ক্রোম, অপেরা ইত্যাদিসহ সব ওয়েব ব্রাউজারে কাজ করতে পারে। আপনি ইচ্ছে করলে যখন-তখন অ্যাড আনব্লক করতে পারবেন unblock বাটনে ক্লিক করে।



গুগল অ্যাড ব্লকার ইন্টারফেস

অ্যাডব্লক প্লাস

অ্যাডব্লক প্লাস (Adblock Plus) হলো উইন্ডোজের জন্য একটি ফ্রি অ্যাড ব্লকিং সফটওয়্যার। এ সফটওয়্যারটি আপনার ব্রাউজ করা যেকোনো ওয়েবসাইট থেকে অ্যাডভার্টাইজমেন্ট ব্যানার ব্লক করার সুযোগ করে দেয়। আপনি অ্যাডব্লক প্লাস সফটওয়্যারকে

বিভিন্ন জনপ্রিয় ব্রাউজারে যেমন- মজিলা ফায়ারফক্স, গুগল ক্রোম, ইন্টারনেট এক্সপ্লোরার, অপেরা ইত্যাদি ব্রাউজারে একটি অ্যাড-অনস হিসেবে ইনস্টল করতে পারবেন। এটি ব্লক করে ট্র্যাকিং ও ম্যালওয়্যার ডোমেইন। এটি ইনস্টল করার পর কোনো অ্যাড আর ডাউনলোড হবে না। ফলে বিরক্তিকর অ্যাড ছাড়াই আপনি ওয়েব সার্ফ করতে পারবেন। আপনি দ্রুতগতিতে ও খুব সহজেই ওয়েবসাইট ব্রাউজ করতে পারবেন অ্যাড না থাকার কারণে।



অ্যাডব্লক প্লাস ইন্টারফেস

প্রিভোক্সি

প্রিভোক্সি (Privoxy) হলো একটি অ্যাড ব্লকিং সফটওয়্যার। এটি অ্যাড ব্লকার ও প্রক্সি সফটওয়্যারের কম্বিনেশন। মূলত প্রিভোক্সি হলো একটি নন-ক্যাশিং ওয়েব প্রক্সি প্রাইভেসি অ্যানহ্যান্স করা, ওয়েব পেজ ডাটা মডিফাই করার জন্য অ্যাডভ্যান্সড ফিল্টারিং ক্ষমতার সফটওয়্যার। এটি অ্যাড কোম্পানির বিপরীতে প্রদান করে ছদ্মনাম, যাতে আপনি ওয়েবসাইট ব্রাউজ করতে পারেন বিজ্ঞাপন ছাড়া। প্রিভোক্সি সফটওয়্যার ইনস্টল করে রান করুন। এ সফটওয়্যারটি যথাযথভাবে ব্যবহার করতে চাইলে আপনার ওয়েব ব্রাউজারকে প্রথমে কনফিগার করতে হবে। নেটওয়ার্ক সেটিংয়ে আপনাকে HTTP proxy ও SSL proxy-এর জন্য ম্যানুয়াল প্রক্সি কনফিগারেশন (IP address 127.0.0.1, port 8118) সেট করতে হবে অ্যাড ব্লক করার জন্য।



প্রিভোক্সি ইন্টারফেস

ইমমা অ্যাড ব্লকার

ইমমা অ্যাড ব্লকার (Emma Ad Blocker) হলো একটি কম্প্রহেনসিভ প্রোগ্রাম, যা ব্যবহারকারীকে সহায়তা করতে পারে অ্যাড ব্লক করতে, যা ইন্টারনেট ব্রাউজ করার সময় দেখা যায়। এটি একটি ফ্রি অ্যাড ব্লকিং সফটওয়্যার। এ সফটওয়্যারটি বিজ্ঞাপন ছাড়া ওয়েবসাইট ব্রাউজ করার সুযোগ দেয়। এটি ব্যবহারের কারণে ওয়েবসাইট লোড হয় গড়ে ৩০ শতাংশ দ্রুততার সাথে, যখন অ্যাডগুলো ডিজ্যাবল থাকবে। এটি ▶

সাপোর্ট করে বিভিন্ন কমন ওয়েব ব্রাউজার। এটি রান করে সিস্টেম ট্রে থেকে। এটি এর ডাটাবেজ আপডেট করে অ্যাড সিগনেচারসহ, যাতে সব অ্যাড সহজেই ব্লক করা যায়।



ইমমা অ্যাড ব্লকার ইন্টারফেস

জিটি-সফট অ্যাড ব্লকার

জিটি-সফট অ্যাড ব্লকার (GT-Soft Ad Blocker) সফটওয়্যারটি ফ্রি এবং ডেস্কটপের জন্য উইন্ডোজভিত্তিক এক প্রোগ্রাম, যা আপনার ব্রাউজ করা ওয়েবসাইটের অ্যাড ব্লক করে। এ সফটওয়্যারটি এক ক্লিকে অ্যাড ব্লক করার জন্য হোস্ট ফাইলের কোড দিয়ে প্রতিস্থাপন করে। আপনি ইচ্ছে করলে প্রয়োজনে আগের অবস্থায় এক ক্লিকে ফিরে যেতে পারবেন। জিটি-সফট অ্যাড ব্লকার ব্লক করতে পারে ইউটিউব অ্যাড, গুগল অ্যাড ও হলু অ্যাড একটি বাড়তি অপশন হিসেবে।



জিটি-সফট অ্যাড ব্লকার ইন্টারফেস

অ্যাডগার্ড

অ্যাডগার্ড (Adguard) হলো সবচেয়ে কার্যকর অ্যাড ব্লকার ফ্রি সফটওয়্যার। এ সফটওয়্যারটি আপনার ব্রাউজ করা ওয়েবসাইট থেকে অ্যাড ফিল্টার অপসারণ করতে পারে। এটি অপসারণ করতে পারে অ্যাড ট্র্যাকারকেও। এটি ফায়ারফক্স, গুগল ক্রোম, অপেরা, সাফারিসহ বিভিন্ন জনপ্রিয় ওয়েব ব্রাউজারে কাজ করতে



অ্যাডগার্ড ইন্টারফেস

পারে। আপনি অ্যাড ছাড়াই খুব সহজে ও দ্রুততার সাথে ওয়েবসাইট ব্রাউজ করতে পারবেন। আপনি ইচ্ছে করলেই এর শো এনাবল অথবা ডিজ্যাবল করতে পারবেন অ্যাড ফিচার। এটি ভাইরাস সংবলিত ওয়েবসাইটও ব্লক করতে পারে।

অ্যাডব্লক এজ

অ্যাডব্লক এজ (Adblock Edge) হলো অ্যাড ব্লক করার জন্য একটি ফায়ারফক্স এক্সটেনশন। আপনি খুব সহজেই এটি ইনস্টল ও ব্লক করতে পারবেন বিরক্তিকর অ্যাড। অ্যাডব্লক এজে Acceptable Ads-এর এক ফিচার রয়েছে। এটি ব্যবহার করার জন্য ফায়ারফক্সকে রিস্টার্ট করতে হবে না। আপনি ইচ্ছে করলে সুনির্দিষ্ট ওয়েবসাইটে এটিকে ডিজ্যাবল করতে পারেন। আপনি কাস্টম ফিল্টার ডিফাইন ও অ্যাডব্লক করতে পারবেন।



অ্যাডব্লক এজ ইন্টারফেস

নোঅ্যাডস

নোঅ্যাডস (NoAds) হলো অপেরা ব্যবহারকারীদের জন্য একটি বিশেষ অ্যাড-অনস, যা অনুমোদন করে বিরক্তিকর অ্যাড এবং অনাকাঙ্ক্ষিত কনটেন্ট ব্লক করা, যা সিস্টেমকে স্লো করা ছাড়া তেমন কোনো কাজ করে না। নোঅ্যাডস হলো অ্যাড ব্লক করার জন্য অপেরা ব্রাউজারের একটি ফ্রি এক্সটেনশন। অ্যাডভার্টাইজিংয়ের কারণে এটি অন্যান্য ডোমেইনের স্ক্রিপ্ট ব্লক করে। এটি টেক্সট অ্যাডসহ পেজ উপাদানও ব্লক করে। আপনি Quick Button-এর সহযোগিতায় যেকোনো সময় এটি এনাবল বা ডিজ্যাবল করতে পারবেন। এটি



নোঅ্যাডসের ইন্টারফেস

ব্যবহার করার মাধ্যমে আপনি দ্রুতগতিতে ও সহজেই ওয়েবসাইট ব্রাউজ করতে পারবেন।

অ্যাডব্লক

জনপ্রিয় বিভিন্ন ওয়েব ব্রাউজারের জন্য অ্যাডব্লক (Adblock) হলো একটি ফ্রি কনটেন্ট ফিল্টার ও অ্যাড ব্লক করার এক্সটেনশন। ফায়ারফক্স, গুগল ক্রোম, অপেরা, সাফারি



অ্যাডব্লক ইন্টারফেস

(ডেস্কটপ ও মোবাইল) এবং মাইক্রোসফট এজ প্রভৃতি ওয়েব ব্রাউজার অ্যাডব্লক সাপোর্ট করে। এটি ওয়েব পেজে সব অ্যাডভার্টাইজমেন্ট ব্লক করতে পারে। অ্যাডব্লক সফটওয়্যার কনফিগার করা দরকার হয় না। শুধু ইনস্টল করেই এটি ব্যবহার করা যায়। আপনি ইচ্ছে করলে পছন্দের যেকোনো ওয়েব পেজকে পজ (pause) বা ডিজ্যাবল করতে পারেন।

কিল ইভিল

কিল ইভিল (Kill Evil) হলো একটি গুগল ক্রোম এক্সটেনশন, যা ডিজ্যাবল করতে পারে সব বিরক্তিকর স্ক্রিপ্ট। এটি ওয়েবসাইট ব্রাউজ করার সময় রিমুভ বা ডিজ্যাবল করতে পারে অ্যাড। এতে সম্পৃক্ত রয়েছে একটি হোয়াইট লিস্ট ফিচার। এটি নীরবে বিজ্ঞাপন ব্লক করতে পারে। আপনি এ প্রোগ্রামকে ব্যবহার করতে পারেন পপআপ ম্যাসেজ, লিঙ্কস, পেজ ও অ্যাডসমূহ প্রতিরোধ করতে, যেগুলো আপনার কমপিউটারের জন্য ক্ষতিকর।



কিল ইভিল ইন্টারফেস

কারমা ব্লকার

কারমা ব্লকার (Karma Blocker) হলো ফায়ারফক্স ব্রাউজারের জন্য একটি ফ্রি অ্যাড ব্লক করার ও প্রাইভেসি অ্যানহাসার সফটওয়্যার। এ সফটওয়্যারটি মনিটর করার জন্য ফিল্টার করে ম্যাসেজ ফিল্ড। ফায়ারফক্স যখন লোড হতে শুরু করে, তখন এ সফটওয়্যারটি নিয়মের বাইরে চেক করে সব পেজ, ইমেজ, স্টাইল শিটস, জাভা স্ক্রিপ্ট ইত্যাদি। এটি অস্বীকার করে ও কখনই রিকোয়েস্টকে লোড করে না, যা নিয়মের সাথে ম্যাচ করে। আপনি এর ডিফল্ট নিয়ম পিরিয়ডিক্যালি আপডেট করতে পারেন।

ফিডব্যাক : mahmood_sw@yahoo.com